

Zlatovrana modrulja u Bosni i Hercegovini ponovo nakon 100 godina

European Roller seen in Bosnia and Herzegovina again after 100 years: On 29th May 2010, near the Mokronoge village, in the vicinity of Duvno, an individual of European Roller (*Coracias garullus*) was observed. This was the first time for this bird species to be observed in Bosnia and Herzegovina after more than 100 years

Zlatovrana modrulja (*Coracias garullus*) je u Bosni i Hercegovini posljednji put viđena daleke 1909. godine u Žepču i Tesliću. Prije toga još 1905. godine u Jablanici. Sva ostala posmatranja su s kraja 19. stoljeća (Obratil, S., 1977: Pregled istraživanja ornitofaune Bosne i Hercegovine. – Glasnik Zemaljskog muzeja Bosne i Hercegovine u Sarajevu, Prirodne nauke, N.S., 16: 216-217.). U to vrijeme nastanjivala je gotovo cijeli teritorij današnje Bosne i Hercegovine. U proljeće 2010. godine (29.05.2010.) na putu za Duvno kod sela Mokronoge (UTM XJ84) Ilhan Dervović i ja zamijetili smo zlatovranu na žici dalekovoda. Sedmicu poslije toga članovi Društva za zaštitu

životinja „Vidra“ iz Visokog postavili su u blizini mjesta gdje je ptica viđena na jedno drvo kućicu, a po preporuci kolega iz EuroNatura.

Jasminko Mulaomerović,
Bajrama Zenunija 6, 71000 Sarajevo, jasminko.mulaomerovic@bhtelecom.ba